



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

Beati, Gabriele

Augustæ Vindelicorum, 1729

VD18 80376800

4 An lex ad obligandum, requirat promulgationem.

urn:nbn:de:hbz:466:1-39888

Q V A E S T I O IV.

An Lex ad obligandum requirat promulgationem.

C A S U S.

EPISCOPUS Atheniensis ad extirpanda furtam, quae in illa Dioecesi erant frequentissima, ea sub excommunicatione prohibuit. Dum autem huiusmodi censura in Curia publicaretur, quidam Fur ex populi ibi existentis frequentia opportunitatem nactus, vix eam auditam tres annulos furtiuè cuidam abstulit. Quæritur; Virum in excommunicacionem incidentem.

S V M M A R I V M.

- 2 Quilibet legis promulgatio sufficere videtur ad se obligandum.
- 6 Sicut sufficit ad actum irritandum.
- 7 Non sufficit tamen.
- 8 Quanam publicatio sit sufficiens.
- 9 Publicatio innotescere debet toti Communitate.
- 10 Lex ex natura rei non obligat prius presentes quam absentes.
- 11 Aliquando tamen illos prius obligat, quam istos.
- 12 Statuum, dum promulgatur in Caria, non est adhuc toti Dioecesi sufficienter intimatum.
- 13 Promulgatio sit toto tempore, quod est necessarium, ut toti Communitate innotescat.
- 14 Et haec dicitur promulgatio moralis.
- 15 Altius irritatio non requirit in subdito notitiam.

16 Publicatio facta Communitate est conditionis essentialis Legis.

17 Cur lex debeat esse intimata Communitate.

18 Quae leges obligare possint statim, ac innotescunt.

19 Quomodo dicantur obligare ignorantes.

R A T I O N E S D V B I T A N D I.

Quamvis lex, quo ad valorem & effectum ac voluntate pendeat; vt tamen actu obliget, aliquas etiam conditiones necessariò requirit. Inter has autem præcipua est legitima promulgatio, de qua propterea quæritur, an, & quomodo requiratur ad obligandum; Aliqui enim putant, quamcumque promulgationem sufficere; ideoque Furem, annulos surripiendo, in

D 3 ex-

excommunicationem incidisse. Ita Reginaldus lib. 13. num. 155. Panormit. c. 1. de poteſt. Prælat. Rodrig. tom. 1. q. regul. quæſt. 1.1. art. 2.

3 Primò: quia fecit contra Episcopi statutum; hoc enim illum tunc poterat obligare, quia erat ſufficienter promulgatum; statutum autem ad hoc, ut obliget, nihil aliud requirit, niſi, ut ſit ſufficienter promulgatum; poſta enim promulgatione, iam eſt regula ſufficiens operandi.

4 Secundò: quia ſi facta ſolemni statuti promulgatione in Curia Episcopali, statim aliquis Subditus in finib⁹ Diocesis existens, eius notitiam miraculoſe habuifet, Deo miraculoſe Praeconis vocem ad eius aires deferente, ad illud feruandum fuifet obligatus, & ſi non fecuafset, in excommunicationem incidiffet; ad fuifet enim quidquid ad obligationem inducendam erat neceſſarium; ſcilicet, ſufficientis legis publicatio ac notitia. Ergo etiam Fur statutum immediatè poſt eius promulgationem violando excommunicationem incurrit; Illud enim violauit non minus quam violaſſet aliis, eius publicationis notitiam miraculoſe habens; nec Statutum minus tunc obligauit Furum praefentem, eiusque notitiam naturaliter habentem, quam obligaſſet alium distarem, eius notitiam habentem miraculoſe.

5 Tertiò; quia lex conſtituitur in ſuo eſte integro per publicationem, ſicut ignis conſtituitur in ratione cauſæ proxima combuſtio per ligni approximationem. Ergo poſta publicatione statim incipit obligare;

sicut ignis poſta ligni approximatione statim incipit illud calefacere ac combure; Non minus enim obligatio eſt effectus neceſſario conſequens ad legem, quam combustio ad ignem approximatū. Cum ergo eſſet iam promulgata cenzura, quando Fur factum commiſſit, iam obligabatur ad non furandum, ideoque statutum violauit, & conſequenter excommunicacionem contraxit.

Quarto: quia ſi Statutum fuifet irritatorum alicuius contractus, & Princeps à puncto publicationis tale genus contratum irritare voluifet, omnes poſt illud punctum etiam in locis distantibus celebrati fuiffent irriti, quamuis contraſtenes illius Statuti notitiam habere non poquiffent. Ergo ſignum eſt, legem aut statutum ſufficienter conſtitui, & vim obligandi acquirere per ſolemnum publicationem; ideoque cenzuram ab Episcopo datam, habuiffe vim Furē obligandi.

RESOLVTIO.

R Eſpondet tamen, Furē Episcopi statutum non violaſſe; ideoque nec in excommunicationem incidiffe. *Suar. lib. 3. de lege hum. c. 16. num. 2. Salas de legib. d. 12. f. 1. num. 6. Bonac. de legib. d. 1. quæſt. 1. p. 4. num. 10. Nauar. c. 23. num. 40 Vafq. I. 2. d. 155. c. 2. Azor. p. 1. lib. 5. cap. 3. quæſt. 1. Molina trād. 5. dub. 70. n. 1. & alii omnes conſimunt.*

Primò: Quia Episcopi statutum non habebat adhuc vim obligandi; Non enim erat adhuc ſufficienter promulgatum; Nam brevi illo tempore, quo fuit publicatum in Curiā, eius notitia per totam

Dic-



Dioecesim diffundi non potuit, nec ad eam naturaliter peruenire. Illa autem sola est publicatio sufficiens, quæ innotescere naturaliter potest Communitatì, pro quâ statutum est conditum, & quæ ab eo debet obligari; Hęc enim soladii potest publicatio sive promulgatio facta Communitatì; quod tamen necessariò requiritur, ut lex, sive statutum vim habeat obligandi; Sicut enim statutum est primò & per se latum pro communitate, ita ad hoc ut illam obliget, ei primò & per se debet esse manifestum. Cum ergo eo tempore, quo publicabatur in Curiā, toti simul Dioecesi manifestari non potuerit, sequitur, quod tunc non fuerit sufficienter promulgatum, & consequenter quod pro eo tempore vim adhuc non habuerit obligandi, ideoque nec fuerit à Fure violatum.

Secundò; Quia lex neminem in particuliari obligare potest, quin eius publicatio Communitatì, quæ per illam obligari deber, innotescat; & consequenter donec elaboratur tempus, quo publicatio per totam illam Communitatē diffundi possit; Lex enim prius obligat Communitatē, quam singulos illius Communitatatis in particuliari, cum singuli in tantum solum obligantur, in quantum sunt partes ipsius Communitatē primò, & per se obligatae; per hoc enim lex à p̄cepto distinguitur, quod p̄ceptum respicit singulos, eō quod ad ipsorum bonum ordinetur, Lex vero Communitatē, eō quod ipsius bonum primò & per se respiciat. Sed statutum eo tempore, quo fuit promulgatum in Curiā, totam Dioecesim obligare non potuit, quia eo tempore eius promul-

gatio in maioris partis notitiam deuenire non potuit; sive non fuit toti Dioecesi sufficienter intimatum. Ergo nec singulos in particuliari potuit obligare, ideoque nec furem quamvis præsentem: Episcopus enim in censura nullam supponit apposuisse clausulam, qua declarauerit se intendere illo statuto obligare prius præsentes, quam absentes.

Necque dicas ex hoc sequi, quod cum Imperator fert legem pro toto Imperio, vel Rex pro toto Regno, eamque promulgar in Curiā, neque declarat, se velle prius obligare præsentes, quam absentes; præsentes non obligarentur, donec rotum Regnum, aut Imperium censeretur obligatum, & quod præsentes non obligarentur, quatenus præsentes sunt, sed solum quaterus sunt partes totius Regni ac Imperii, pro quo lex fertur.

Nam licet ex natura rei fieri debet, de facto tamen ita regulariter non fit, quia Princeps ut plurimum tenore legis, & ex modo eam promulgandi, vel certum terminum præscribit ad eius obligacionem, vel significat, se velle subditos quam primum obligare. Tunc autem, cum prius obligare possit propinquiores, quam remotos, tacitè innuit, se ita velle; ideoque tunc prius propinquiores obligantur, quam remotiores.

OBIECTIONUM SOLVTIO.

Ad rationes in contrarium Respon-
detur: Ad primam negando, si tunc Episcopi statutum violasse; violatio enim supponit, quod statutum obligaret; statutum autem tunc obligabat, quia tunc non adhuc moraliter erat sufficien-

ter.

territori Diœcœsi promulgatum , ac intitulatum ; quod tamen erat necessarium , ut vim haberet obligandi.

13 Ad secundam : Negatur similiter antecedens. Neque enim statutum tunc fuisse sufficieret promulgatum ; Nam legis promulgatio , quamvis brevi temporis morula , & coram patris personis fieri videatur , re vera tamen non sit in ea breui morula , sed toto eo tempore , quod necessarium est , ut ea promulgatio ad notitiam totius Communictatis obliganda deueniat , neque ante hoc tempus censemur integrè promulgata.

14 Ad tertiam Respondeatur , Legem constituit in suo esse integro per publicationem , non physicam , sed moralim . Publicatio autem moralis , est publicatio facta tempore , ac modo necessario ad hoc , ut in totius Communictatis notitiam deuenire possit ; ad hoc autem tanta temporis mora necessaria videtur , quantum requiritur , ut lex possit per præsentes in absentium , & consequenter in Communictatis notitiam deuenire.

15 Ad quartam Respondeatur : Vim irritativam contractuum oriri in lege à Principe , non ex potestate legislativa , sed dominativa , quæ ad sui integratatem non requirit in subdito notitiam . Hinc ergo fit , ut lex statim post publicationem irritare possit contractus , non vero Cives obligare , donec illam scire possint.

COROLLARIA.

16 Colligitur ex dictis primò : Publicationem factam Communictati , esse conditionem essentialiter requisitam , ut lex habeat vim proximè obligandi , co-

modo , quo cognitio est conditio essentialiter requisita ad hoc , ut bonitas possit proximè mouere voluntatem ad sui amorem ; voluntas enim quam Princeps habet Communictatem obligandi , illam obligare non potest , nisi illi innotescat ; nec innotescere potest , nisi illi per promulgationem sufficieret manifestetur . Tunc autem Communictatis sufficierent manifestatur , quando ita promulgatur , ut à tota Communictate cognosci naturaliter , & humano modo possit ; ad quod quia requiritur tempus , ideo toto illo tempore dicitur fieri promulgatio , sed nondum esse facta , nec conferre legi vim obligandi.

Secundò : Legem , ad hoc , ut habeat vim obligandi , debere esse intimatam Communictati ; quia est eius regula , & ad illam dirigendam primò , & per se ordinatur . Vnde notitia communis legis est conditio requisita in lege ad obligandum , sicut error communis iurisdictionis est conditio requisita ad eius defectum supplendum in Judice putativo , ita ut ignorantia communis legis , eius obligationem impedit , sicut scientia communis impedit in Judice putativo applicacionem iurisdictionis , quæ alias illi fieret à iure , vel à Republica ; & ignorantia legis in hoc vel illo particulati existens , eius vim obligandi non impedit , sicut scientia particularis defectus iurisdictionis in Judice putativo non impedit , quin illi à Republica applicetur propria iurisdictionis , siusque defectus suppleatur.

Tertiò : Constitutionem Principis superare , qualis est Pontifex , aut Rex , obligare posse subditos , in quorum notitiam deuenire potest , statim ac publicatur.

catur, si in constitutione hoc exprimitur, sicut exprimi solet in constitutionibus Pontificiis, in quibus clausulæ illæ apponi solent, *statim omnes, ad quos pertinent, afficiant &c.* quia lex hoc efficere potest, & nihil est, quod impedit, quo minus illud de facto efficiat; idemque dicendum est de statutis, ac legibus municipalibus, quod statim obligent eos, in quorum notitiam deuenire possunt, nec ad obligandum, duorum mensium spatium requirunt, sicut leges ciuiles; Sed maius vel minus, prout Communitates obligandæ, plus vel minus distant, & maius vel minus tempus requiritur, ut in eorum notitiam naturaliter deueniant.

¹⁹ Quartò: Non esse durum, quod Pon-

tis ex velit unicā promulgatione fideles per totum Orbem dispersos obligate; non enim obligantur nisi intra tempus, in quo illius legis publicatæ notitiam habere possunt, siue deinde sit unus, siue duo, siue tres menses. Quando autem lex ita est publicata, ut moraliter ad omnium notitiam peruenire possit, tunc dicitur ignorantes quantum est ex se obligare, per accidens vero non obligare, eo quod illius notitiam de facto inculpabiliter non habeant. Quod si lex ita sit publicata, ut in omnium notitiam deuenire statim non possit, tunc nec quantum est ex se, dicitur ignorantes obligare, quia non habet quidquid ex eius parte adinducendam obligationem requiritur.

Q V A E S T I O V.

*An Lex obliget omnes existentes in Territorio
Legislatoris.*

C A S V S.

EPISCOPVS Antiochenus à Gubernatore rogatus, sub poena excommunicationis prohibuerat, ne quis è Diœcesi triticum extraheret; quidam autem Mercator extraneus, cum centum Tritici modios emisset, illos extraxit è Diœcesi. Quæritur; Vtrum in excommunicationem inciderit.

S V M M A R I V M.

¶ Peregrinus ligari non videtur legibus loci,
in quo est.

R. P. Beati Lib. II.

§ Sola existentia subiectionem non tri-
buit.

E

¶ Lex